

Zeitschrift: Le nouveau conteur vaudois et romand
Band: 82 (1955)
Heft: 10

Artikel: Trint'an de mariâdzo
Autor: H.Sch.
DOI: <https://doi.org/10.5169/seals-229588>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 19.03.2026

ETH-Bibliothek Zürich, E-Periodica, <https://www.e-periodica.ch>

Pages fribourgeoises

En patois sarinien

Nous avons reçu d'un de nos abonnés et collaborateurs fribourgeois, M. Maurice Huguenot, une aimable missive dont nous détachons, avec grand plaisir, ces passages qui certainement intéresseront tous nos patoisants romands.

I profitou dè hokajion por vo rèmar-tyao è vo èchprimao ma granta rèkonyechanthe por la bouna rèchèpchion don journal ke rèchavou ti lè mà. La che-nanna pachao, lé pu rèmarkao din ouna kotse don làvrou chi l'artikle ke vo j'an betao por mè. Chan mè fao fèrmou plyéji dè chavà ke lé achébin ouna pyèthe din vothron patà. Vo mè bayidè bin don koraodzou por kontinuao à vo indji è a moujao à vo chovan, chuto ora ke chu din mon kanton dè Friboa, è povin dèvejao mon patà à ma djija.

Lé a kà dè fèlichitao ti ha ke vo j'adyon è ke kolaboron avoin vo por fère chi bì journal. I admirou lon koraodzou è l'amityi ke l'an por lon payi è ti lon j'ami ke dèvejon lou patà.

Lé achébin on gran plyéjo ora dè povin akutao à la radio ti lè dou de-chandou hon balè j'ichtoarè è on bi kontou don viyou tin. I mankou pao dè aviji lè dzan dè mon velaodzou por akutao kèman mè, ma lè fermou damaodzou ke lè la dèrire èmichion lou 28 dè mé. E mè rèdzoyou por ch'ti lontan.

Mè, i aomèré povin mè betao achébin por rakontao din j'ichtoarè, ma i tràvou ke cheri pao kapaobyau, ma putithre apri ithre intrinnao è habituao, ke cheri on dzoa yon din vouthrou. I èchpàrou avoin lou pye gran plyéji.

Dan h'atante dè povin vo rè lyère, y fô ke vo dyéchou ankora ôtyè. A propou dè ha demindze ke lé pu akutao la mècha in patà dè grevire ; Y vo dyou ke por mè, lè jà la pye bala demindze ke chè pachao a la radio. Y fèlichitou Moncheu lou Kuré dè Granvelao por avin dinche bin pridzî. Y pu dre ke chon chèrmon a betao bin din kà a la bouna pyèthe, è fè plyéji chuto in bounè dzan ke kràyon vertaobyaman on Bon Diû, è chuto por mè ke lè lou premi kou ke lé pu autao ouna mècha in patà. M'in chovindri dè tota ma ya, avoin l'èchpoare ke chan chè rènovalèrè on yaodzou ch'ti l'ivê. Y kràyon ke li avà din milié dè dzan ke l'an akutao ch'ta demindze, dèvan dè modao on mothyî, è lè por chan ke l'ara lè j'on rètardaoye por totè lè pèrotsè. Avoin lè dzan ke lé pu dèvejao, m'an ti de k'iran jon fèrmou benéje d'avin akutao ch'ta mècha.

Rèchpè por vo, è akchèptaodè tota ma rèkonyechanthe è mè chantiman lè pye rèchpèktueu, è tèrminou ha lètra in vo préjantan mè pye kordialè chalutachion è bon chovinyi.

*Huguenot Maurice,
Lentigny (Fribg).*

Trint'an de mariâdzo

*Ly a trint'an chè chon lèvà
Plyin dè korâdzo, dzouno, frè,
Plyin dè chèlà, le kà kontin,
E lan fithâ è lan tzantâ,
Ma le plye bi kô ne le vè,
Lè ke dzouno, frè, kontin,
Lou kà lè choirà tantchè ouè
Tan è tan ke ne porin
In chi dzoua lè rèmarhyâ.,*



**Comes-
tibles**

Escalliers du
Lumen 22

Tél. 22 21 71

*Pri dè livouè, pri dou Môchon,
Lyan cortijâ è prà moujâ ;
In Plyannafâye i lan vuithyi
Livouè ke kâlè in tzantin,
E lan dèvejâ di jinfanè,
Di to piti ky lindèman
Po le bon Diu èlèvèran,
Tan è tan ke ne porin
In chi dzoua lè rèmarhyâ.*

*Prèyi nouthra Dona dou Té,
Nouthra Dona dè Bourguillon,
Por lè farmaillè, lè nohè,
Lè to piti di lindèman
E lè bi dzoà è lè plye pou,
Po chobrâ dzouno, koradjâ,
Tan è tan ke ne porin
In chi dzoua lè rèmarhyâ.*

*E l'inkourâ lè ja mariâ
E lou ja de : « Lè po la ya. »
Lan konprê : din on ni bin tzô
Chè jojalè chè chon formâ,
E chon chayiè è lan tzantâ,
E dona la chouiô bin prà,
Tan è tan ke ne porin
In chi dzoua lè rèmarhyâ.*

*Du gran matin tantchya la né .
Lan travugni, lan tzerkotâ
Po fére è bin fére, po gâgni
Dou pan por no è di lindzè,
On pâ dè bè botè, di jâyion,
Tan è tan ke ne porin
In chi dzoua lè rèmarhyâ.*

*Tan è tan no jan rèchiu,
Tan è tan lè lian bayi,
La ya, la titha è le kâ,
La chindâ è kotchiè lètrè,
To gran dou pan è prômatêre,
E 'na titha po li moujâ,
E on kâ po lè jamâ,
Tan è tan ke ne porin
In chi dzoua lè rèmarhyâ.*

*Chègna no ja aprê a krêre,
E vouére dè kou, koué le derê,
La chuportâ nouthrè bringè,
Nouthrè tzeagnè, chon travô,
La lutâ è lè jou brâvo,
Tan è tan ke ne porin
In chi dzoua lè rèmarhyâ.*

*« Kan no jira trè ti piti,
Dona no ja tan poupenâ,
Tan djinjotâ è tan bréchi,
O, kemin no ja jou amâ »,
Tan è tan ke ne porin
In chi dzoua lè rèmarhyâ.*

*No prêyèrin, no farin to
Por ithre bon, po rèmarhyâ,
Po vo bayi di bon momin,
Chègna è dona no le volin,
E le bon Diu l'akouârdèrè,
Li ke vo ja bayi a vo
D'ithre bon è d'ithre brâvo,
Li ke la fê pè vouthrè man
Tan è tan ke ne porin
In chi dzoua lè rèmarhyâ.*

Ab. H. Sch.

L'activité patoisante dans le canton

— M. le député Joseph Brodard, le patoisant bien connu de La Roche, a demandé au Conseil d'Etat fribourgeois, lors de la session du Grand Conseil, de donner au lac de Gruyère le nom officiel et patoisant de « Lac de Grevîre ». L'hebdomadaire *Curieux* demande même le nom de « Grevîre » pour le fromage de gruyère, nom tombé dans le domaine public... et usurpé souvent à l'étranger.

— Lors de la Fête cantonale des musiques fribourgeoises, à Vaulruz, une œuvre de M. Oscar Moret, directeur de la Landwehr de Fribourg, était intitulée (en patois) *Chinjonîeta di Tsèvrê*. La cérémonie à la mémoire de l'abbé Bovet, à Fribourg, après la bénédiction de Mgr Charrière, s'est terminée par le magnifique *Noûthra Dona di Maortzè*, chœur patois à quatre voix mixtes.